



Sofia Geisler
Inatsisartunut ilaasortaq, Inuit Ataqatigiit

Hawaii-mut tikeraartussanut tunngatillugu § 37 naapertorlugu apeqquutigineqartup nr. 149/2019-ip akineqarnera

02-04-2019
Suliap nr. 2019 - 7263
Allakkat nr. 10410162

Postboks 1029
3900 Nuuk
Oqarasuaat: : +299 34 50 00
Email: ikiin@nanoq.gl
www.nanoq.gl

Asasara Sofia Geisler,

Inatsisartut suleriaasiat naapertorlugu apeqquutinnut qujanaq. Apeqquutigineqartut tullinnguuttuni akissuteqarfigissavakka.

Apeqquut 1: *Hawaiiimi ilinniartitaanermut tunngasut paasisassarsiorfigiartorlugit angalati-tat qassit maannamut Hawaii-miissimalerpat?*

Akissut: Ilisimatinneqarnera naapertorlugu Hawaii-imi ilinniartitaaneq paasisassarsiorfiginiarlugu angalatitaqartoqarnikuunngilaq.

Ukiuni 2007, 2008 aamma 2018-imi pingasoriarluni meeqqerivinni paaqqinnittarfinnilu atualersussat piareersarfiini early childhood educationimik suliaqartut aamma inuit tamakkuninnga suliaqartut pikkorissarneranni peqataajartorluni Hawaii-mut paasisassarsiortoqartarsimavoq.

Tamakku saniatigut 2009-mi amerlanngitsut Hawaii-mut paasisassarsiorsimapput Meeqqerivitsialak pillugu suliniuteqarnermi ineriartorfiusinnaasut paasiniaaffigiartorlugit.

Apeqquut 2: *Hawaiiimut angalatitsinerit maannamut Nunatta Karsianut qanoq akeqarsimalerpat?*

Akissut: Ukiuni 2007, 2008 aamma 2009-mi Hawaii-mut angalanernut aningaasartuutaasimasunut Naalakkersuisoqarfik takussutissaateqanngilaq.

2018-imi ulluni 5.-9. februar paasisassarsiorluni angalanermi, ilaatigut University of Hawaiiimi Manoa Children's Center-imut (UHMCC) pulaartoqarnerani, inuit aqqanillit aallartitarineqarput, taakkunanngalu pingasut Ilinniartitaanermut Aqutsisoqarfimmeersuupput, marluk Avannaata Kommuniameersuullutik, marluk SPS/Ilulissaneersuullutik, marluk Qeqqata Kommuniameersuullutik, professori/siunnorsortit Meeqqerivitsialameersoq ataaseq aamma professori ataaseq Bergen Universitetimeersoq. Ilinniartitaanermut Aqutsisoqarfik sulisuminut (inuit pingasut) angalanermut aningaasartuuteqarlunilu ullormusiaqartitsivoq, tamannalu

katillugit 96.025,67 kr.-inik akeqarsimalluni. Aallartitanut allanut aningaasartuutit kommuninit paaqqinnittarfinniillu peqataatitaqartunit kiisalu suliniutip ilaa 'Children's Explorations' aqqutigalugu ilisimatooqatigiinnit 'Barnehagen som (ut)danning-saren'-mit akilerneqarput .

Apeqquut 3: *Hawaiiimut angalanerit suli qassit pilersaarutaappat?*

Akissut: Massakkorpiaq Hawaii-mut angalanissanik allanik pilersaaruteqartoqanngilaq.

Apeqquut 4: *Hawaiiimut angalatitsisarnerit suna siunertarivaat?*

Akissut: 2007-mi Hawaii-mut angalanerit Meeqquerivitsialak pillugu ineriartortitsinermik suliaqarnermut atatillugu pisimavoq, tassanilu naalackersuinermit suliallit atorfilittallu ilaatigut UHMCC meeqqat siusissukkut ilinniarnissaat ineriartornissaallu pillugit ilisimatuussutsikkut suliallit pulaarneqarput.

Ukiuni tullinnguuttuni, 2008 aamma 2009-mi, sulisut perorsaarnermit suliallit kommunineersut, Namminersorlutik Oqartussaneersut aamma suliniutinut ataqatigiissaarisooq KIIP-imeersoq isumassarsiorlutik, pikkorissarnermut perorsaarnermut tunngasunut peqataajartorlutik ulluuneranilu paaqqinnittarfinnut pulaariartorlutik Hawaii-imiissimapput. Hawaii-imut pingasoriarluni angalanerit taakkunani paasisat, ilisimalikkat misilittakkallu Meeqquerivitsialaap ineriartortinnissaanut piviusunngortinnissaanullu suleriaqqinnermut suliarineqarlutik ilanngunneqarput aammalu Kalaallit Nunaanni suli atualinngitsunut naleqqussarneqarlutik (takuuk Piffissami 8.-20. februar 2007-imi Hawaii-imut paasisassarsiorluni angalanermit nalunaarussiaq, Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik).

2018-imi kingullermik angalanermit siunertarineqartoq tassaavoq suli atualinngitsunut atortup 'Tunngaviit' ineriartorteqqinnissaanut piviusunngortinnissaanullu isumassarsiornermut atatillugu ineriartortitsinissaq paasisassarsiorlunissarluni, tamannalu UHMCC-ip suli atualinngitsunut atortuinik aallaaveqarpoq, taakkua tunngaviusunik isummanik sunniuteqarluartumillu perorsaarnermit tunngaveqartumik ineriartortinneqarput Center for Research on Education, Diversity and Excellence, University of California-mi – Berkeley (CREDE).

Apeqquut 5: *Hawaiiimut angalatitsinerit qanoq sunniuteqartarpat?*

Akissut: Soorlu apeqquut 4-mut akissummi takuneqarsinnaasoq 2007 aamma 2008-imi angalanermit misilittagaalersut Meeqquerivitsialaap ineriartortinnissaa piviusunngortinnissaalu pillugit sulinermit ilanngunneqarput, matumanilu aamma suli atualinngitsunut perorsaarnermut peruserineqartut assigiinngitsut misilinneqarlutik, kiisalu 2018-imi angalanermit misilittagaalersut suli atualinngitsunut susassaqarfimmi 'Tunngaviit'-mi atortut ineriartorteqqinnissaannut piviusunngortinnissaanullu atorineqarlutik.

Apeqquut 6: *Hawaiimut angalanerit sunniutaat misissorneqartarpa?*

Akissut: Hawaii-imut angalanerit tunngaviumik sunniutinut uuttisoqarsimangilaq. Angalanerit ilisarnaataasut tassaapput ilisimasat misilittakkallu nutaat suliniutinut aallarereersunut sulit atualingitsunullu ineriartortitsiffiusussat ilanngunneqarnissaat.

Apeqquut 7: *Ilinniartitaanerup, uanilu Meeqqat Atuarfiat eqqarsaatigalugu, iluarsartuus-seqqinnermut suliaqarnermini Naalakkersuisut sumut killippat?*

Akissut: 2017-imi suleqatigiissitanik pilersitsisoqarmat suliniutit misissueqqissaarnermut ineriartortitsinermullu tunngassutillit aallartinneqarput. Misissueqqissaarnermut ineriartortitsisoqarnissaanullu ukiut marluk piffissaliunneqarput, maannalu ukioq ataaseq ingerlareersimalluni.

Suliniutigineqartoq marlunnet avinneqarsimavoq:

1. piffissaliussaq (1. januar – 31. december 2018)

Siullertut sulinerit misilittakkat ilinniartitaanerit allannguutissanut siunnersuutinut aallaaviunissaat siunertaralugu suleqatigiissitat 2018-ip qiteqqunnerani suleqatigiissitanik suliniartussanik arfineq-pingasunik pilersitsisimapput. Suliniuteqartussat atuartunik, angajoqqaanik, atuartitsisunik aqutsisunillu meeqqat atuarfiarneersunik, ilinniarnertuunngorniarfinneersunik, inuussutissarsiutinut ilinniarnertuunngorniarfinneersunik, Majoriarnertuunngorniarfinneersunik, suliffiit ilinniartoqarsinnaasuneersunik aamma Ilinniartitaanerit Aqutsisoqarfimneersunik inuttalerneqarput. Suleqatigiissitat aappaata Tunngaviumik Atuarfik (1.-8. klassit) immikkut sammissaraat, tassanilu aqqissuussaannikkut imatigullu periarfissat unammilligassallu oqallisigineqarput.

Taamatut sulineq taperserniarlugu attaveqaataasussanik sulisartut suleqatigiiffiiniit, inuussutissarsiortuniit, paaqqinnittarfinniit attuumassutilinniit, soqutigisaqatigiiffiiniit Namminersorlutik Oqartussani naalakkersuisoqarfinniit allaniit inuttaqartinneqartumik pilersitsisoqarpoq.

2. piffissaliussaq (1. januar - 31. december 2019)

Suleqatigiissitat siuliani taaneqartut maanna siunissami ilinniartitaanissanut ataqatigiissumut eqaatsumullu ilusissanut imaritinneqartussanullu isumassarsianik siunnersuutinillu arlalinnik tunniussaqaqarsimalerput. Isumassarsiat siunnersuutillu tamakku ilaatigut Nuummi misiligutigalugu suliniunni ingerlanneqarsimasumi misilittakkat peqatigitillugit aamma nalilersuinerit pissarsiarineqarsinnaasut allallu misissueqqissaarnermik ineriartortitsinermillu suliat nanginnissaannut ilanngunneqassapput.

Sapinngisamik ammasuutitsinissat piginnittuunerillu qulakkeerniarlugit 2019-imi sulinerit suleqatigiissitanit aallartitat, attaveqaataasussanit taaneqartunit aallartitat, kommunini meeqqat atuarfiinut ingerlatsiviit, meeqqat atuarfiini aqutsisut, ilinniarnertuunngorniarfinni rektorit, qitiusumik ilinniarnertuunngorniarfinni forstaderit, Majoriarnertuunngorniarfinni, inuussutissarsiortuniit, suleqatigiiffinni/paaqqinnittarfinni attuumassutilinni sulisut naalakkersuisoqarfiillu allat ilanngunneqarumaarput.

Ukiap tungaanut sulisussat tamakku siunissami ilinniartitaanerni unammilligassaajunnartut periarfissaajunnartullu oqallisigissallugit periarfissaqarumaarput. Suleqatigiissitanit nalunaarutigineqartut Suleqatigiissitaliap inaarutaasumik sulinissaanut 2019-ip naanerani naammassineqartussatut naatsorsuutaasumut ilanngunneqarumaarput.

Inussiarnersumik inuulluaqqusillunga



Ane Lone Bagger